

Pecyn Gwybodaeth Llysgenhadon Ôl-radd 2026

Cynnwys:

1. Cytundeb
2. Swydd ddisgrifiad
3. Ysgrifennu erthygl academaidd
4. Cyfryngau cymdeithasol, blogio a chreu cynnwys
5. Monitro rôl a cymorth gan y Coleg
6. Costau
7. Cyhoeddusrwydd a lluniau

Cytundeb (Copi er gwybodaeth)

Darparu gwasanaethau i'r Coleg Cymraeg Cenedlaethol mewn perthynas â gwaith llysgennad

Hoffwn dy wahodd i ddarparu gwasanaeth i'r Coleg Cymraeg Cenedlaethol. Byddi'n darparu'r gwasanaeth hwn i ni ar sail llawrydd.

Ffioedd

£50 bob tymor i'r llysgennad ym mis Ebrill, Gorffennaf, Hydref a Rhagfyr fel tâl retainer.

£92 y diwrnod neu £46 am hyd at hanner diwrnod yn cael ei dalu am waith.

Diwrnod llawn = 7 awr

Hanner diwrnod = 3.5 awr

Statws eich gwasanaethau

Rwyf yn berson hunangyflogedig heb hawl i unrhyw bensiwn, bonws na chilfanteision eraill oddi wrth y Coleg Cymraeg Cenedlaethol. Cytunir y byddi di felly yn gyfrifol am unrhyw ofynion treth incwm, cyfraniadau yswiriant cenedlaethol a chyfraniadau tebyg eraill sy'n gysylltiedig â'r ffioedd.

Indemniad treth

Drwy hyn mi fyddi di yn atebol ac yn cytuno i barhau yn atebol am unrhyw geisiadau am dreth incwm neu gyfraniadau yswiriant cenedlaethol a wneir i'r

Coleg Cymraeg Cenedlaethol gan yr awdurdodau perthnasol mewn cysylltiad â'r gwasanaethau.

Terfyn y cytundeb

Bydd y cytundeb hwn yn dod i ben yn awtomatig ar 31 Rhagfyr 2026, heblaw y caiff ei therfynu yn gynt, a heb rybudd.

Swydd Ddisgrifiad

Swydd Ddisgrifiad Llysgennad Ôl-raddedig Y Coleg Cymraeg Cenedlaethol

Rydym yn chwilio am fyfyrwyr ôl-raddedig brwdfrydig i rannu eu profiadau, o'r astudio a phwysigrwydd y Gymraeg i'r cymdeithasu, a cheisio denu mwy i astudio drwy gyfrwng y Gymraeg!

Rydym eisiau dy gefnogi i ddatblygu sgiliau gwerthfawr all fod o fudd i ti wrth chwilio am waith yn y dyfodol, yn ogystal â chael y cyfle i rannu dy brofiadau.

Galli di fod yn rhan o ddigwyddiadau marchnata a hyrwyddo'r Coleg rhwng Ionawr a Rhagfyr 2026, yn ogystal â cynrychioli'r Coleg o fewn dy brifysgol.

Mae'r Coleg Cymraeg wedi ymrwmo i egwyddorion cydraddoldeb ac amrywiaeth ac felly'n annog ymgeiswyr o unrhyw rhyw, oedran, anabledd, cefndiroedd Du, Asiaidd a Lleiafrifoedd Ethnig, cyfeiriadedd rhywiol a chrefydd i ymgeisio ar gyfer y rôl o fod yn llysgennad.

Cyfnod gwaith

1 Ionawr 2026 – 31 Rhagfyr 2026

Bydd bod yn llysgennad yn ehangu dy CV a datblygiad fel academydd, ac yn cynnig cyfleoedd cymdeithasol i ti.

Dyma restr o'r dyletswyddau:

- Datblygu'r ymdeimlad o gymuned ôl-radd cyfrwng Cymraeg (gyda chefnogaeth y CCC).
- Perchnogi'r cynllun llysgenhadon ôl-radd a dweud dy ddweud dros gyfeiriad y gwaith yn sgil anghenion myfyrwyr ôl-radd.
- Creu deunydd i'r cyfryngau cymdeithasol e.e blog/flog/ *takeover* ar Instagram am fywyd myfyriwr ôl-radd
- Dilyn a rhannu negeseuon cyfryngau cymdeithasol ôl-radd y Coleg - Instagram ([@cccolradd](#)), a rhannu'n gyson a pherchnogi'r grwpiau Facebook a

Linkedin ([Cymuned Ôl-radd](#)). Cefnogi'r gwaith o farchnata a hyrwyddo'r Rhaglen Sgiliau Ymchwil

- Trefnu digwyddiadau ôl-radd, ar-lein neu wyneb yn wyneb, gyda chefnogaeth y CCC
- Cynnig awgrymiadau ar gyfer gweithdai hyfforddiant fel rhan o'r Rhaglen Sgiliau Ymchwil
- Cyflwyno o leiaf un erthygl academaidd i [Gwerddon Fach](#), gyda chefnogaeth y CCC.
- Sicrhau bod myfyrwyr ôl-radd Cymraeg yn cael gwybod am ddarpariaeth y Coleg, e.e. drwy'r Ysgol Ddoethurol a chymdeithasau ôl-radd (ar arweiniad y CCC)
- Darparu cymorth ar y Cyrsiau Sgiliau Ymchwil

Ysgrifennu Erthygl Academaidd

Mae [Gwerddon Fach](#) yn bartneriaeth rhwng *Gwerddon* a gwasanaeth newyddion Golwg360. Dyma lwyfan ar gyfer erthyglau academaidd byrion sy'n rhoi blas i gynulleidfa eang o'r ymchwil ddiweddaraf gan academyddion blaenllaw o Gymru a thu hwnt. Mae *Gwerddon Fach* yn cynnwys erthyglau byrion sy'n oddeutu 600–1,000 o eiriau am unrhyw ymchwil sydd o ddiddordeb i gynulleidfa ehangach – boed yn adroddiad ar waith ymchwil diweddar, yn ymateb i ddarganfyddiadau o bwys, yn drafodaethau polisi cyhoeddus a materion cyfoes, yn adroddiad ar drafodion cynhadledd academaidd, neu'n gyflwyniad syml i bwnc ymchwil dyrys. Ceir rhagor o wybodaeth a chanllawiau [ar y dudalen hon](#).

Cyfryngau Cymdeithasol, Blogio a Chreu Cynnwys

Gofynnir i ti feithrin ymdeimlad o gymuned ôl-radd Cymraeg drwy ddulliau technegol, a thrwy gynorthwyo â threfnu digwyddiadau gyda chefnogaeth y CCC. Byddi di'n derbyn manylion i fod yn weinyddwyr ar grŵp Facebook y Gymuned Ôl-radd, a cei gyfle i wneud 'takeover' ar gyfrif ôl-radd Instagram, lle bydd cyfle i ti rannu dy brofiadau, digwyddiadau neu unrhyw beth perthnasol arall i'r gymuned ôl-radd. Bydd cyfle hefyd i ti greu cynnwys, flog a/neu blog ar gyfer ein cyfrifon cymdeithasol. I ddechrau, byddwn yn rhannu cyflwyniad a phroffil o'r llysgenhadon newydd ar gyfer 2026 ar ein cyfryngau.

Pwrrpas y cynnwys: Rhoi blas a throsolwg o fywyd myfyriwr ôl-raddedig Cymraeg mewn prifysgol wrth astudio, ymchwilio a chymdeithasu gan annog myfyrwyr i barhau â'u hastudiaethau wedi iddynt gwblhau eu gradd is-raddedig, a hynny trwy gyfrwng y Gymraeg.

Cadw dy hun yn ddiogel

Paid phostio gwybodaeth ynghylch ble rydych ti'n byw, rhif dy ystafell, ffôn symudol, ac ati.

Os oes rhywun yn gwneud i ti deimlo'n anghyfforddus a / neu yn gwneud sylwadau amhriodol cofia gysylltu gyda ni.

Testun

Gofal! Nid ydym am weld cynnwys sy'n sarhaus, yn cynrychioli neu'n goddef torri'r gyfraith neu fel arall mewn perygl o ddod â'r Coleg i anfri. Nid yw hyn yn faes lle mae modd gosod allan rheolau pendant i'w dilyn - rydym yn dibynnu ar dy synnwyr cyffredin, uniondeb a barn. Bydd cynnwys amhriodol, wrth gwrs, yn cael ei ddileu a'r Coleg yn cael sgwrs gyda'r unigolyn hynny.

Pynciau i greu cynnwys amdanynt:

- Cyflwyniad i waith ymchwil
- Digwyddiadau Cymraeg
- 'Diwrnod ym mywyd myfyriwr ôl-radd'
- Dy ddiddordebau e.e. beth wyt ti'n mwynhau ei wneud tu allan i fywyd prifysgol
- Mynegi barn ar fater sy'n agos at dy galon
- Unrhyw fater arall perthnasol i fyfyrwyr ôl-radd

Monitro rôl / Cymorth gan y Coleg

Er mwyn sicrhau fod llysgenhadon yn cyflawni eu dyletswyddau ac at safon ddisgwyliedig bydd y Coleg yn monitro dy wasanaeth.

Byddwn yn monitro dy fod yn cyflawni'r tasgau sy'n ofynnol ac os nad ydyn ni'n hapus gydag ymrwymiad y llysgennad ac yn methu cyflawni'r dyletswyddau yn ddigonol neu yn profi i fod yn anghyfrifol. Byddwn yn cadw'r hawl i ddod â'r cytundeb i derfyn yn ddisymwth, ac heb gyfnod rhybudd.

Cyswllt:

Prif gyswllt myfyrwyr ôl-raddedig ydy Manon Elin James.



E-bost: m.james@colegcymraeg.ac.uk

Rhif ffôn symudol gwaith: 07472424208

A prif gyswllt y cynllun llysgenhadon ydy Mabon Dafydd.



E-bost: m.dafydd@colegcymraeg.ac.uk

Rhif ffôn symudol gwaith: 07891 544363

Tynnu llun

Fel rhan o broses hyrwyddo llysgenhadon y Coleg, Rhaid i ni dderbyn llun ohonot yn syth ar ôl i ti dderbyn hwddi neu grys-t y Coleg Cymraeg!

Gwisg

Bydd hwdi a chrys-t y Coleg Cymraeg yn cael ei ddanfôn atat, a disgwylir i ti wisgo un o'r rhain mewn unrhyw ddigwyddiad sy'n ymwneud â'r Coleg.

Costau

Ble fydd gofyn i ti deithio i weithio trwy fath o drafnidiaeth e.e car, bws, trê'n. Bydd Mabon yn darparu ffurflen costau teithio i ti lenwi a'i ddychwelyd ato.

Bydd y ffurflen yn gofyn i ti lenwi'r manylion yma i mewn:

- Dyddiad y daith
- Manylion o le i le e.e. (Cyfeiriad Prifysgol i Ysgol ...)
- Bwriad y daith, ac amseroedd dechrau a dychwelyd e.e. ymweliad ysgol, Dechrau: 12:00, Dychwelyd 15:30.
- Nifer y milltiroedd (os yn teithio mewn car), dylid rhoi costau bws neu drên yng ngholofn C.

Telir cynhaliaeth resymol yn unol â'r rheoliadau. Fe fydd rhaid anfon derbynebau gyda'r cais.

Cyhoeddusrwydd a Lluniau

Cymryd rhan mewn cyfweiliadau:

Os wyt yn cael cynnig cyfweiliad gan y cyfryngau am dy rôl fel llysgennad neu unrhyw beth sy'n berthnasol â'r brifysgol neu dy astudiaethau, cofia roi gwybod i'r Coleg am y cyfweiliad o flaenllaw.

Mae'n hanfodol ein bod yn gwybod am unrhyw gyfweiliadau, gan y bydd hyn yn gyfle i ni hysbysebu dy gyfweiliad. Bydd hefyd yn gymorth i ni wrth fonitro unrhyw sylw gaiff y Coleg. Gallwn hefyd roi cyngor ar gynnwys y cyfweiliad os oes angen.

Os yw'r Coleg yn cysylltu yn gofyn i ti gymryd rhan mewn cyfweiliad, mae'n holl bwysig dy fod yn ymateb i'r cais ar e-bost neu ffôn **cyn gynted â phosib** er mwyn hwyluso'r trefniadau.

Os oes gwybodaeth neu erthygl yn y papurau bro lleol neu unrhyw gyfrwng am dy rôl fel llysgenhadon, a wnei di gysylltu â'r Coleg i nodi hynny i ni wirio fod y wybodaeth yn gywir, ac hefyd gyrra lun o'r stori i ni allu rhannu ar y cyfryngau cymdeithasol.

Safon Lluniau

Gwna'n siŵr dy fod yn danfon lluniau o'r ansawdd uchaf posib atom er mwyn postio ar y cyfryngau cymdeithasol neu'r wefan. Nid yw lluniau ansawdd isel neu 'screenshot' yn edrych yn dda o ran delwedd.

Rydw i wedi darllen y ddogfen hon yn fanwl ac yn deall gofynion y tasgau ar gyfer fy rôl fel Llysgennad ar gyfer y Coleg Cymraeg Cenedlaethol.

Llofnod:_____

Dyddiad:_____